

續輯均州志卷之十三

祥異志敘

稽古洪範義蘊精微休徵咎徵不爽毫釐和氣致祥乖氣致異歷覽史編五行備志志之者何參觀互證符瑞災祲以類而應天人相感轉移靡常修德獲福鑒彼祥桑於是始梁迄今志祥異

梁

武帝普通二年辛丑八月丁亥始平郡中石鼓村地

自開成井方六尺六寸深三十二丈梁書武帝紀

續輯均州志

卷之十三

祥異

一

大同六年庚申九月始平太守崔碩表獻嘉禾一莖

十二穗梁書武帝紀

陳

高祖永定元年夏四月戊午武當郡獻赤烏周書世宗紀

唐

穆宗長慶四年甲辰夏漢水溢決漂民廬舍唐書

文宗開成三年戊午夏江漢漲溢壞民居田產殆盡

五行志

武宗會昌元年辛酉七月漢水溢壞民居甚衆五行志

宋

太祖建隆元年庚申春三月鼠食苗宋史太祖紀

太宗太平興國七年壬午夏六月漢江漲壞民舍人

畜死者甚衆五行志

雍熙二年乙酉秋九月均州獻一角獸太宗紀

眞宗大中祥符七年甲寅秋八月均州獻芝千二百

二十七本五行志

哲宗元祐七年壬申均州瑞禾生合穗五行志

明

續輯均州志

卷之十三祥異

二

成祖永樂十一年癸巳五色雲見於武當山頂通志

仁宗洪熙元年乙巳祭酒胡濙奉命祭眞武祀日有

仙鶴三十回翔金殿上良久乃去舊志

宣宗宣德元年丙午夏秋江水大漲沿江民居漂沒

者半五行志

英宗天順元年丁丑夏旱五行志

憲宗成化二十一年乙巳春大饑僵屍載道府志

孝宗宏治七年甲寅冬大雪府志

十七年甲子春二月雨雪雹雪片大六寸許越三

日雨沙志五行

夏六月雨雪通志

武宗正德四年己巳夏大饑通志

秋八月雨黑穀如棗通志

七年壬申春大饑人相食夏六月蝗舊志

八年癸酉春大疫舊志

十一年丙子蝗舊志

世宗嘉靖三年甲申冬十二月地震

七年戊子夏六月大旱饑人相食都御史張祿繪

續輯均州志 卷之十三祥異 三

饑民十圖以獻請帑賑濟

八年己丑春正月大疫夏天鼓鳴

十一年壬辰蝗

十三年甲午夏大水以上府志

十八年己亥正月大雨雹是年大饑舊志

三十年辛亥秋七月大水害稼府志

三十二年癸丑冬十二月地大震通志

四十五年丙寅秋大水府志

神宗萬曆五年丁丑春三月山西蒲州僧明惠至均

州朝山化爲驢五日死

舊志

莊烈帝崇正六年癸酉夏雨雹大風拔木壞屋

舊志

國朝

順治九年壬辰春夜地震

舊志

康熙十年辛亥夏大旱禾苗盡槁知州黨居易禱得

雨歲大熟 五月太和山眞武殿金鳳齊鳴

舊志

十二年癸丑秋大有年先是六月大旱田禾如焚

知州黨居易虔禱大雨遍境秋得豐收

舊志

十九年庚申春三月初八日太和山眞武殿四角

續輯均州志 卷之十三

祥異

四

金鳳齊鳴聲若笙瑟逾時神光炯炯

太和山紀畧

謹按是月十日西征兵凱歸人始知爲昇平之

兆也

通志

乾隆十七年壬申水

通志

五十年乙巳旱

通志

嘉慶十八年癸酉大旱饑民採木皮以食道殣相望

二十一年丙子秋地震

道光十二年壬辰秋八月漢水溢入城深七尺許民

宅坍塌無算

十三年癸巳秋潦歲大饑野多餓殍

十五年乙未秋蝗入境大禊無禾十六年春蝗復
爲災食麥苗殆盡羅軍門思舉督吏民捕而蒸之
兩旬始滅

二十年庚子夏五月五日鄉民夜見火光恍聞人
馬聲謠傳兵警紛紛走避越日乃定

咸豐二年壬子秋七月漢水溢入城深六七尺壞民
舍甚衆

三年癸丑秋大水田壤多沖淤

續輯均州志

卷之十三

祥異

五

六年丙辰夏旱無禾歲大饑

八年戊午秋八月蝗害稼

十一年辛酉秋七月雷雨大風拔木

同治元年壬戌蝗入境傷禾

三年甲子春三月雨雹

四年乙丑夏四月雨雹大如雞子破屋折樹無麥

五年丙寅春正月雷雹雪深尺許

六年丁卯夏地震秋八月漢水溢入城深數尺越

三日乃退

七年戊辰夏六月地震

九年庚午春三月雨雹夏六月淫雨澗河殷家河山水陡漲壞老營浪河田畝民舍

十一年壬申春三月朔地震十三日復震

十二年癸酉春正月雷三月三日酉時有星大如瓜自西北流入東南赤光四射火珠錯落尋聞天鼓大震林鳥驚鳴

十三年甲戌夏大旱田多種粟夏至後五日乃雨
秋粟雙穗

續輯均州志

卷之十三

祥異

六

光緒元年乙亥春二月雨雹六月復雨雹大風拔木
三年丁丑冬大旱

四年戊寅夏無麥有秋

六年庚辰夏雨雹大如鶩卵冬十月桃李華

八年壬午夏四月十一日雨雹大如鶩卵自大龍山至青山港袤百餘里廣十餘里二十五日復雨
雹爲災尤鉅六月旱秋冬霪雨